



新刊嵩山居士文全集卷第九

律詩五十五首

至漢嘉簡李悅夫

一別相望費幾時
盛山父老至今思
才高方朔三千牘
名配韋郎十二詩
論薦久聞章奏上
推遷獨怪壘書遲
少留剩看平羌水
更繼風流太白詞

示健為李令君

悼直每疾惡淹留
無徙官性雖與物忤
吾獨惜才難垂老
須聞道為邦貴在寬
君宜念此語衰鬢各霜殘

送梁子輔赴召

始見擢高第
即當登赤墀
今聞一節召
已恨十年遲
聖主



畧興造諸儒合論思此行宜努力勿復負清時
今日朝廷議如聞少及民諸侯無患楚三戶可止秦但使
誅求減常令貢賦均荒年免離散率土尽王臣
漢廷日徵召舟楫去紛々行路子所見成功吾未聞故人
期此去聖代用斯文會使如掾筆書勲繼典墳

簡謝達夫

吾識宣城守又違之一邦相看知雅曲必解賦澄江温厚
氣無雜衰慵心已降舉觴喜見屬親為撥春缸

寄李仁甫

守地難越境弔生寧及哀自傷轉蓬遠莫致東芻來慘日
熙夏屋悲風弔夜臺遙知倚廬處流淚漬蒼苔

李悅夫劉文潛坐上醉歸作

將老尚逐食相逢聊舉觴貧非原憲病酒發次公狂未至
世臣固先登君子堂誰能更拘束短髮已滄浪

贈張聽聲

張子目盲心不盲吾知冒次有人倫眼光安用如巖電白
首王戎不識人

論士平生妙入神是誰無此耳輪囷喚鍾作瓦皆堪笑自
是渠儂聽不真

自恭州之眉陽相送者六客意不可忘以詩為謝
所得乃三益相從非一朝龍方臥隴底魚肯似陽橋月看
玉奩滿風催金燼銷少留吾六住不待楚詞招

贈朱師軒朱奎父

洛陽盛人物喪亂亦南遷今見大夫後猶如翁子賢端居
送日月秀句寫風煙相遇何匆促臨分重惘然

置酒北郊外送張真甫還什邡

高木已在望不妨寬作程相看愁饌徹未用遽杯行春暖
姜肱被川平雍齒城遙知喜公至鷄犬亦歡迎

東津

東津草生花未開西山雪消水欲來玻璃江靜不受垢蒲
萄酒濃初醞酌啄木喚君有扣戶提壺勸我勤舉杯春能
幾何看即暮一月杖藜須百回

龍爪灘

龍爪灘前江水平墓頤山下春草生白石既出細可數雜
花初開遠更明日落盡見樓閣影天晴易聞鐘鼓聲至今
回思三峽路蛇退猿愁心甚驚

十二月八日雪

桃杏顏衰不鮮紅朝來飛雪舞回風東君似與加煎拂病
葉枯枝一洗空

登梁山縣亭

舉觴自起勸西風吹盡千林木葉紅遮斷前山渾不見恐
妨極目送飛鴻

感事三首

中原耆舊老江東淚洒軍前草木風巫峽山高若霜雪附

書那有北來鴻

其二

長安摧堞有烏聲草木猶蒙戰伐塵應念關中不忘漢至
今遺老願王秦

其三

常恐東南驛騎疎每逢人至問楊都深知白虜心輕漢終
倚黃旗運在吳

江上春漲

久坐思行樂茲晨強出門菰蒲荒少岸桑柘遠知村波急
春濤大山晴午樹昏每來成獨往佳處與誰論

送王師厚

宿草丘邊手自耘輟耘過我意良勤可憐一語未深接借
問去來何見聞

季父高名映里閭復欣千里識名駒當令東海評清譽他
日還如二大夫

照上人去硤內游吳下十年而歸眉宇炯然年復
瀟灑間氣喜作二解贈之

幾年持鉢下瞿塘踏遍東南古道場鄉里再來人不識碧
瞳白類帶湖光

吳帆却入瞿塘硤草樹連雲山四圍想見同來木上座怪
君何苦復東歸

過圓覺院簡照上人

一洗糟粕地再聞鍾梵音前年身老東院具體小西林自
昔知味少于今無蒼深是中有妙理直下試叅尋

近承琮上人問訊甚勤老書不能作書以偈答之
食時持鉢乞諸隣不用毗耶遣化身想見堂中慙此老法
輪未轉，飢輪

世界犹如露電身更于空裏聚微塵何時麥積崖邊路說
法重来要度人

十年不到吳溪上聞道禪龕更斬新得見山中此松老後
來誰是住菴人

次韻謝石教授喜雨

天子齋居坐法官万方都屬指揮中敢安無事思樂泮方
戒有司歸在豐每念三農皆望歲直期九月始休工知君
亦喜連宵雨與漲詞源更不窮

次韻謝張德粹主簿

久知經籍揔皆通万卷縱橫在腹中占雨正當求管輅藏
冰更欲問申豐每慚列爵來分土未辨通商與惠工君自
還家歌樂職大碑深刻示無窮

雨中登披風榭望東山

岡嶺逶迤草木低東山好處我能知色濃意遠真堪畫須
在冥濛奄靄時

方塘

清陰布幽徑綠水溢回塘筍長露漬粉蓮開風壞粧坐多

惟踵息躁定自心涼學道今始得願生真有方

年侵

年侵慵更甚帙亂卷還舒衰白愁看鏡雌黃倦校書臨風
知地勢映日愛窓虛近報畬田粟濟邪亦滿車

庭下荔子熟

修枝密葉揔扶疎小摘登盤置坐隅翠蓋高垂張葆羽赤
繒全皺裹明珠不勞漢候十五里可壓越人三百椽欲與
銓量立題品豈惟當使橘為奴

劉文潛以荔子并詩次韻

十里為一候奔騰南海來封章伯游切詩句少陵哀異縣
歲月改前年霜雪摧筠籠今遠寄珍重手親開

侯革以詩見示次韻

少陵有幽事止共阮生論把酒與賢樂為邦慚主恩欵傾
賓客坐知出聘君門滕識中郎面區區對虎賁

送劉文潛如吳下

已聚糧三月聊為客數旬吾難留逸駕此去立通津聖主
坐中具嘉謀思上陳請言堯舜道第一在安民

隆州道中

冉冉晨霧重暉々冬日微草黃迷犢卧水白見鷗飛在野
樵牧少閉關商旅稀妻孥屬長至遙想望吾歸

送張君玉赴寧江幕府七首

冠劍堂々仁壽公昨提金鼓去平戎惜君不徃分一矢共

射佛狸江水中

莫言地近雋昆明刺史題書筆不停
解道澄江淨如練只

只山水是昭亭
子去夔州頗自矜舉杯大叫氣憑陵
新詩破內流傳滿今

有高人王右丞
來守歙西三里城
胸中豈止俗塵生
簿書堆案惟思睡
見此魁梧覺眼明

遠景樓高風月清
酒酣要看筆縱橫
山川有待君知否
可

是東坡賦不成
衆水爭流赴硤中
輕舟東下疾飛鴻
流金不信人間熱
知有長江萬里風

江齊洶，雷霆硤山氣蒼，雲雨臺白髮拾遺吟
不尽分留物色待君來

。鮮于東之晉伯之子贈詩次韻

微風獵樹有佳聲
一塌無塵戶牖明
已擘荔枝怜玉破
更開瓜碧嚼水清

堂上詩書抵萬鍾
席間樽俎是千峯
蕭然更聽松風曲
喚起江東阮仲容

高簾不卷戶長開
須子時，着屐來一坐
清風生白羽
九衢烏帽失黃埃

尊前每誦赤壁賦
如見當年禿鬢翁
誰謂流傳到喬木
孰然遺響託悲風

一掃浮雲万里空，月華都在野航中。
葛巾藜杖勤相遇，共賞芙蓉四面風。
資州太守知衰懶，日倒床帷睡濃走送甘鮮三百顆。
似君風味喜相逢。

寄查元章

一別三十載，再來聞未聞。
割鮮煩啗我，舉酒欲浮君。
辯口霏木屑，醉顏生纈紋。
相從能幾日，明發重離群。

喜見呂元錫聞往謁李仁甫奉簡短作

關塞三峩北，山川五渡西。
喜逢連壁友，時與伯來自釣漢

溪先世施行馬，高才滯割鷄。
平生李元礼，好士必提携。

喜雨

提封為國守，樂歲見天心。
與此一年食，賜之三日霖。
打荷看急點，歷竹有清音。
上帝嗟何遠，昭實汝臨。

新刊嵩山居士文集卷第十

律詩五十六首

王伯厚以詩招伯渾次韻同往邀之

憶昨歸來萬里遙不能對策未央朝
山林得計成長往松石為朋是久要
痛飲肯來同榼挈小詩聊遣當弓招
請君莫學金椒老澗下辛勤捨墮樵

師伯渾用韻復次

束書歸隱不辭遙庠序懶陪耆老朝
野外卜居無鬼瞰山中誓墓以神要
暫來同作荔枝社安可輕違桂樹招
已遣官奴理琴瑟豈惟百戲但歌樵

再賦

風俗相傳三近古作成况自聖明朝藏家文字本蒼史繼
世子孫非黑要近報漢廷類詔下時聞蜀士有旌招怪君
尚尔衣逢掖独向空山伴採樵
背郭深通一徑遙奔流坐看百川朝飛來黃鵠陂已復歸
去白鷗盟可要益部官曹寧久處津鄉書札近相招此生
若有躬耕地白首甘心老負樵

再賦

古者諸侯今牧守衰遲難強歲相朝惟須稚子理蓑笠兼
有老妻縫襟要來歲定從田父去飛書不待故人招平生
最愛津鄉聚江小可漁山可樵
東望行都絳闕遙老來筋力倦趨朝誰能作吏沉簿領但
欲買田書質要雅意庶同高士傳不才難望大夫招津鄉
舊有先賢宅過者芻蕘莫敢樵

再賦

筋力何堪道路遙難陪諸老侍同朝初無計上三年最况
敢功思万里要北塞單于皆入貢西山蒼蒼不勞招傳聞
已臥清邊鼓塹壘長閑守木樵
日翻蠹簡書棗裏往、編摩自漢朝鷄距東毫來武信馬
肝琢硯出高要時因撫事敬成相更復懷人作大招知子
山中富吟詠縱橫文力到孫樵

去通義按刑漢嘉至中崑師伯渾臨別於此因成

二詩

慚愧居士喬遠來尊者崑深為知頌露宿竟為落風帆潭淨
魚堪喚花殘鹿罷銜堂中有耆老禪病說呢喃
相送自崖返忍看騎馬回故情真獨厚疊鼓未須催此去
無三舍相留盡一杯風林如惜別城、暮齊哀

次韻鮮于晉伯清明日過水南

盈箴寄我送春詩不減風流杜牧之覓句已應兒輩覺論
書那得外人知如聞此上三年最相過能成一段奇況及
霜天宜把酒四郊物色勝花時

又

又賦斜川五日詩行將此去欲何之一年春事倉庚報万
里鄉心杜宇知筆力早衰無痛快詞源漸老乏經奇文章
子駿惟君似學到揚州刺史時

歲盡

歲盡餘一候年侵懷百憂人生漢南樹節物劍西州風榭
梅花委春杯柏葉浮我眉有佳色領覽為登樓

師襲卿來權攝我眉縣祿東之來乃去送以詩乃

元日也

白水諸山翠作堆豈令飛鳥着塵埃勿嫌屈子我眉縣正
得同吾盃尾杯淑日升堂迎晝永和風排闥送春來還家
尚可為親壽柏葉清尊手自開

送湯子才

江湖此去水連空万賈連檣浩渺中帆影浸斜青草月笛

声吹尽碧蘆風未論魏闕功名近不與巴山氣象同更到
臨平看輦路沙堤十里軟塵紅

聞虞參政至玉屏山

宣室思賢久鋒車促召還去調金鉉昂來別玉屏山拱木
兩露下豐碑天地間九原凜如在想足慰慈顏
鄉黨敬前輩朝廷尊大儒公無念丘墓人自禁樵蕪此去
居衡軸長留執事樞求賢養邦本深為贊吁俞

示中崑長老子文古

我為應真來欲結無生緣不食中崑飯但酌中崑泉莫言
一杯水寔具五味禪請師問應真此語然不然

子雲古

子雲世所賤既死名乃傳至今讀其書共言以為賢必待
成丘隴何如用當年貴耳不貴目斯人真可憐

蔡光祿古

白頭蔡光祿不肯拜司徒滿朝愕相視蓋是時所無負乘
初莫責循墻乃當誅古書乃尽信夫子寔欺予

江行

廬南道窮復劔西桃花浪生行苦遲百丈牽舟上春水三
尺為邦逢聖時平蕪細麥綠相映老樹雜花紅已衰
峨眉山月今始見令人絕嘆謫仙時詞

木犀花二首

粟玉開花顏色新秋光未覺咸陽春蕭然不受風埃澆知

是高標可辟塵

滿貯彫盤可鎮惟論花壓尽釵東西豈惟鼻觀遭渠惱鄰
舍聞香亦駭鷄

揚參政挽章二首

李海波瀾濶人間爵齒尊南宮冠多士東海起高門請去
三公府歸休五畝園何須篆幽石天下有師言

又

亟上疏封印空馳會葵車山川渾不改氣象比何如德行
太常議功名惇史書平生所薦士豈復減嚴徐

清明

便覺近長夏溫風蠢欲成冠敬知髮少衣薄喜身輕初荻
青穿水繁陰綠滿城朝來試新火茶鼎聽松聲

晚望

遲日高樓上江山引望長浮鷗輕浩渺飛鳥滅蒼茫洲渚
蘋初白陵陂麥未黃流年太忽促轉燭過春光

聞李士舉宿馬鞍山

入境封人報飛書侍史還初聞虎節使已至馬鞍山霽野
風煙麗端居日月閑此行吾所羨脫屣簿書間

江上

江淺晴沙見山高細路分老藤維墜石遠樹掛殘雲燕雁
遙難到巴鷺暖遂聞花飛少顏色委地自紛々

春日

花發春連屋山晴晝滿樓所過皆異縣何處是皇州頡頏
鸞銜逐呢喃燕聚謀物生各有累於世孰無求

野亭

興發尋春去寧知行路賒簷牙啄晴漢板齒散平沙風偃
陵陂麥雲垂間道花芳菲看即過留滯改年華

挈榼

挈榼吾何往閑臨積水邊晚紅看落日春碧愛晴川蜂蝶
低窺酒鳧鷺狎近舡平生五湖興見此一欣然

出郭

出郭花相引尋荒草欲迷綠低吟犢臥紅缺見鶯啼溪石
皆堪坐山醪亦偶携淹留送落日直過石城西

合江舟中作

雲氣昏江樹春流沒釣磯如何連夜漲似送人歸亂石水
聲急片帆風力微舟師且停櫓鷗鷺畏人飛

江雨

江草被霜槁江雲隨雨飛稍看霑徑濕故作映空微曉浪
初吹浦春泥未污衣南征羨鴻鴈独有故鄉歸

出郊

寒江多江石出危岸有沙擁短綠行穿麥高紅仰嗅梅故人
能共往勝日可類來春事從茲始群花次第開

小立

小立臨洲渚徐行過野亭顏沙紅漉白穿徑草分青秩酒

近無給穷途真独醒春来慰羈旅幽絕類郊垆

梅古

微陽回孤根霜雪破餘凜顏紅發春鮮膚栗冷夜永輕風
送幽香缺月散清影寒鳥忽飛來伴此一枝冷

中中崑十八詠

慈姥崑

棲崑既下集賓天復上征八子似荀氏中當有慈明

羅漢洞

釋迦行中國設教周孔同吾知諸子弟不殊關里中

喚魚潭

潭水清見底老僧來喚魚與渠同法食持鉢施糜餘

寶瓶峯

誰將中瓶來置此几席間不可喚木樗誠往問瀉山

虎頭峰

山靈亦自喜尊者乃吾師得與鷲嶺並不作虎頭癡

盤陀石

飛廉日掃除預知尊者過不令有塵垢汚此石盤陀

風穴

有風地鳴籟無風石抱雲上人如宴坐不可墮聲聞

瀑布泉

濺沫響空谷分沅清法筵元因卓錫地今為洗鉢泉

望江亭

有來俯滄波遙見生白蘋望、不得上笑彼涉江人

玉泉亭

徘徊立泉上誰敢酌寒清莫解金鑿落且聽玉琮琤

松風亭

皎々石上月颺々松下風清絕誰領會倚杖送飛鴻

應現亭

松道須兩洒山扉遣風開塵念自起滅至人無去來

寒峰軒

崖陰日慘々石潤露溥々何似藍田下高並玉山寒

碧筠亭

蕭然一叢竹何當舉似人不可妄認此青々為法身

石筍庵

竒峯如立筍太陰生古苔誰能此出入咄々金石開

壁軒

卷書置按上默坐初不看侍者空堵立湛然惟壁觀

止菴

智者有所說後生誰究明韋編具此眼時止復時行

西方閣

官先學西夷寂寥沫泗濱至此每再拜西方有聖人

新刊嵩山居士文集卷第十一

律詩五十二首

前恩陽尉周邦舉出予兄激仲所書其父竹軒記
求詩因題二解

眼看數竿今白頭高標直節氣橫秋果能似此孤竹子何
羨渭川千畝侯

俗車胸中數斛塵此君偃蹇不相親當年曾識子猷面大
令今來是故人

園中二首

南北東西極目天看天不比下牢関遙知前面山尤遠直
到飛鴉滅没間

眇，周垣揔路平森，夏木已陰成却疑身在華軒上翠
幄中間曳杖行

用薛郎所寄示詩三韻

子勿誚毛穎渠言何使余遙知生白室誰助殺青書已墨
漆相似蜀牋霜不如殷勤遣分寄吾汝與同車
阿傳議酒食察貳更廉空開甕鴨頭綠磨刀魚眼紅報功
它日在食淡暫時同富貴行自致聖時無道窮
薛君昔在日才可齒諸任繼世能傳業為文有嗣音千秋
當却老六籍更鈎深何以壽吾子高才無陸沉

請緣老住持象耳山有詩次韻

朦朧兩眼着玄花認取空中起滅華我是官曹老龐蘊終
無盲瞎捧與盲枷
中崑尊者幸同堂浪走諸方有底忙若道渠儂捧可畏新
羅未過合思量

送王章赴長寧通判

仰事各黃髮今為閭里榮共看朱紱貴更益綠衣明泥軼
幸小駐羽觴當緩行期君如石建烜赫漢西京

次楊國材韻

形模豈稱侍承明不願蕭韶聽九成但願豐年有高廩千
禾獲稻看秋晴
耆年何在隱墻東樂常簞瓢陋巷中白首可無知所自宜
敬帝力頌天功

師廷珮以詩見惠因用其韻

欲平棘鞞與堅昆下詔旁求關四門吾子莫孤明主意建
隆開國聖雲孫

又

蒼苔半蝕蔡邕碑今日中郎有女歸莫怪昏，暗丘壟浮
雲淚濕不能飛

又

詩礼初聞衛尉旁起家期擅蜀文章快吟芍藥当階句刺
看芙蓉別殿香

王元才甥見過其弟元濟甥繼來有詩次韵

把酒悲歌望蜀天感今懷昔重悽然道堅或謂如無忘靈
運還欣對阿連它日鵬應自鷗化此生蛭豈待夔憐筆鋒
刺淬猶錐利明歲文場破兩甄

宇文紹恭所藏其父德聞手書其祖家訓一卷

蜀士相與語故家誰得如千年令威宅一紙伏波書

曉望

城上高楼出女墙遥知首初日尚蒼涼松邊漸瀝風成響
草際晶熒露有光樂歲共歌羊考牧新春不與雁還鄉聖
時願報收輿地快自襄陽下洛陽

李士舉見寄次韵為謝二首

忽鼓碇中櫂來從渝上城何為向南畝本合侍西清樹色
行相引灘聲鳴不平青城有仙伯往矣授長生

想見山靈喜如看柱史來江清無急硤野潤失飛埃行攬
孟博響再然安國灰相遇忍遽別莫放錦帆開

師伯渾以詩告別次韻

閑君何不樂非願世兼收利乃庶人意道惟君子憂野花
開北陌官酒酌東樓嘉州名故里有書至應言無久留
此去即鄉黨子寧無友生不堪今日別真見故人情杯覆
葵花小尊傾竹葉清送行湏盡醉兼為破愁城

楊復先寄荔子仍和予昨所贈二詩因次韻

林間熟丹實葉底綴紅雲並舍皆好事絕甘能勸分扣門
知使至登俎覺香聞更與詩爭麗紛披錦繡文
嘉果喜三嗅名園思一游駢頭丹殼皺繞指玉漿流味壓

乾腴子韻高蕭灑侯安居日啗此邊侯幸兵休
遙想載酒客時來從子雲山高去天咫尺永惜陰分秋稼
田畝接夏弦閭里聞草堂無數出猿鶴有移文
野色正如此廢書時出游山吞落日歿東大江流俗駕
謝逋客郊居如隱侯愛君吐佳句落紙不能休

書齋

廷尉已執天下平更出一節令循行時清斷獄歲大減小
臣何功君聖明紙窓風破夜自語瓦溝雨來寒有聲官閑
無事但宴坐滿室惟對書縱橫

離南平

晨光慘、雜微霄寒水濺、更斷橋風墮粟房開紫玉煙

蒙籬幄疊青綃官曹已畢三年考客路深嗟萬里遙從此
揚舲下巴硤新年當及未央朝

西山

萬州城西何所有高山其下俯寒塘浮鷗藉草溪沙暖飛
鳥衝花野樹香他日擬從南岳隱平生尤愛北窓涼道人
為我收松子剩種清陰十畝長

至日留滯荆渚同鄧氏兄弟飲酒

今日當長至窮年尚遠行野晴春草細江晚夕陽明衰病
依僮僕經過得友行濁醪來近市堅坐且徐傾

行李

路出蒼江上雲生亂石間中年幸強健今日試躋攀湍硤
寒鳴地類陽暮隱山僕夫問行李早晚遂東還

硤內

硤內收多雨沙邊慘積陰龍吟殷地遠虹飲入江深不作
山林去非憂荆棘侵經年困奔走無力更登臨

聞笛

落日臥鄱塢忽聞吹笛聲天清孤鶴淚江淨蟄龍鳴谷響
風時下山高月未生誰能永今夕呼酒與同傾

掃徑

掃徑通春屐開林啓夕霏浮鷗避人去輕鷺引雛飛尊俎
深留客風塵漸息機不妨坐至晚少待月同歸

山行

白沙素石淨無泥，橘刺藤已，稍不迷牛放。遠山連鴈鷺，蛙鳴廢沼，下鳧鷖。終年去國，鳴彈缺，盡日看雲。且杖藜，久客諸侯，成底事。幸逢寬政，免推擠。

江邊

素石寒沙共渺然，荒城古木暮雲懸。空山靜，峇鍾聲遠落日晴，隨樹影圓。屢報傳烽，沈塞外，時來倚杖立江邊。東南耆舊，今安否？欲寄新詩，誰為傳？江邊日，強登臺，越施吳。檣久不來，投迹東巴，留万里側身南極。望三台，公朝遣使，丁年去。丞相疏恩，甲第開聖主，得賢如作頌。微臣媿乏子淵才。

郊外

草盡春泥綠，花乘晚照明。遙山先暝色，平野易風聲。歸沐休形後，深居感物情。據鞍聊一出，佳處得徐行。

春畦

水滿春畦白，雲連^曉照黃。野花時結子，溪柳不成行。客禮容吾懶，酣歌與世忘。晚來得新句，吟罷立蒼茫。

漢川

道路通襄野，風煙近楚天。地卑荒巨澤，山斷見平川。舟楫自此去，音書誰與傳。西南是巴峽，應盡落霞邊。

大冶縣見梅

客裏逢春色，江梅發故枝。正應傷老大，似欲慰棲遲。雪樹真相引，風花莫倒吹。南來愧何遜，吾病不能詩。

正月二日至九江過陳漢卿

行路傷徂歲思家佇遠情雲迷五尺道春動九江城耆舊
無元亮交游得仲卿漢卿慕王仲卿為人名尊前見芳草已似喚
愁生

夜

樹合春城暗江鳴夜砒喧艱難猶此地漂泊更何言冉
輕烟集輝、列宿繁巡簷望南斗無路入修門

官舍

雨徑蒼苔滑風簾翠篠斜色居藏万室驛道接三巴曉堞
調清角春庭放早衙歸休幸無事隨意酌流霞

晴野

草色薰晴野溪痕上白沙行鳴鳩行哺子晚樹續開花多事
真堪厭浮生每自嗟坐來歸興動城郭欲吹笳

偶作

官居復何有幽事亦堪誇高樹行春蔓踈篁上晚花常年
皆作客隨地即為家尚想關山路傷心故園賒

雨中過祈門十里不能進宿旅次

今日祈門縣衝泥怯遠行含風雲葉細間雨雪花輕溪晚
白鷗下草寒黃犢鳴吾今更何往漂泊愧平生

旅宿

漠、破雲亂冥、汀露微鴉喧得食喜鷗近畏人飛旅宿
天涯滯心期歲暮違滄江聞已漲似欲勸吾歸

歲暮

晴峽開寒褱，滄波逗遠光。
年華已衰謝，春意尚微茫。
久污功椽，曹終慙謁者。
郎南方誠瘴癘，經月或無霜。

沙寒

沙寒兼白石，灤斷入青溪。
硤霧連山暗，江雲出水低。
遠游殊俗倦，歸路故鄉迷。
日落荒原上，城烏已復啼。

江流

江流日日上，平蕪細徑侵。
沙漸欲無媚，紫苞開露筍。
森森青節亂，風蒲晴川默。
數千艘過深硤，遙看一水趨。
傳道南檣有歸使，晚來失喜問揚都。

偶成

離日樹影晚，仍疎寂。
禽聲暖自呼，雨埵蓄糞來。
聚蟻風簷壞，網落懸蛛。
十年空誦歸田賦，万里試披輿地圖。
老向人間定何許，只今湖海更南隅。

新刊嵩山居士文集卷第十二

律詩五十一首

李仁甫將至郭下以詩迎之

公館可休舍良宵宜對床肯汙白雲屐來過碧澗堂置饌
同三飯開筵累十觴涼秋當泛菊小住擷微芳

次韵李仁甫

北牖厭高卧西山思勝游詩人少題詠物色尽分留小憇
青城夜幽尋丹景秋何人與同往二老實風流

中原

中原北望連虎牢遺老略皆死草茅腥臊千秋萬歲殿塵
埃四通五達郊無人雄心肯出塞何日戰骨與封嶠三軍

歲，費供給但聞邊庭峙芻茭

節往

節往天始肅地炎霜尚微靜聞木葉下晴見荻花飛積水
蛤猶微吠並隣鷄正肥孤雲吾所羨獨有故山歸

石判官惠詩用韻為謝

吾宗衰謝尚斯文長抱遺經教子孫海內世家慚衛史壁
中編簡即齊論交游幸得二三子毀譽當如六四坤肯為
清談飲一石絕勝雜坐獨留髡

簡任季明府判

昔別嗟何往今晨問始知茲為泛舟役端若赴襟期夜雨
霑桃李春風在柳枝相逢不同醉辜負艷陽時

逸樹

遶樹行百匝臨池把一杯白知茶蘂上紅對燭花開已作
尋芳去何辭
夜回惡風無藉在明日滿蒼苔

游園

林陰忽已藏鴉作急尋芳賞歲華尊每不空緣好客席
無何鄉為隨花開新合故從衣薄度密穿深信帽斜僅有
歸休五畝宅老夫著處便為家

他鄉

故國山川安在哉佗鄉今復見春來蓬蒿並興草益茂桃
李不言花自開促催年華似推轂較量筋力試登臺歸田
尚可扶犁在明歲當驅俗駕回

官屬往江上觀淘江

郊原漸看薺麥繁塵沙遠着榆柳昏花光照眼暖自醉江
聲入耳清不煩縣官作榻相地利邦人防城醴水源我將
載酒勞掾史酌言酬之兩山尊

丙戌元夕

刺史敢云樂今非耆舊初香醪秋露薄膏火曉星疎豈止
君不足誰能財有餘近聞寬賦歛明詔議虧除

看花

春到人間得幾時可堪鴉鷓趣春歸不辭日去千回首便
忍風飄萬點飛

布穀

南村北村布穀鳴家上隴頭催出耕道逢田父喜相語四
十三箇春水生

視通濟堰二首

野樹皆綠葉清江初白蘋偶來無筮日小出當行春人頌
句龍社恩沾佩犢民橫江三百丈遙見石嶙峋

又

往年初堰壞樂歲亦民飢再見龍尾水如與鴻郤陂名同
召伯堦人立許楊祠祝史有祝事歌予迎送詩

細雨

細雨真宜麥輕陰似養花人煙隨土斷村徑逐溪斜大道
能方執春泥欲濺車歸來洗鞞袴城郭未吹笳

新津道中

野綠平如按松青潤更加兩岐惟有麥一縣已無花日色
深迷霧江流淺見沙平生愛春事忽復過年華

郡縣

郡縣紛々數代更循良少似漢西京未聞子產能寬服誰
見翁歸有急名所望家無空杼柚常令天不害糞盛打門
不怕催科吏願與君王竭地征

脩覺寺

山遶象耳北堰橫龍西瓜遙瞻蜀玉壘不減漢金堤未合
三江水仍通百社溪春流已可愛散亂浴鳧鷖

池上與師伯渾飲酒

冉冉煙生樹溶溶水滿池藻寒魚不食花暖蝶先知相對
飲鑿落不妨歌接籬還山何用遽同過艷陽時

寄李悅夫時監成都軍資庫茶馬司檄兼僚屬聞

近治胥吏數輩

賓筵聊可樂筦庫亦何勞近已尸鼠輩果能清馬曹晴郊
堪挈榼春事助揮毫借問浣花水只今深幾篙

恭州報恩長老宣公以四偈見別用韵為謝

再到叢林得我驚斬新花果自然成種田更有僧祇戶乞
食何如舍衛城

甌中炊米釜烹鮮莫道巴兒不解禪日扣門來乞火箇
中已有一燈傳

大地八風初不動老夫自駕鐵舡行莫憂船上不知曉元
有木鷄來報更
海頭已白藏頭黑老去心情揔不堪請唱德山歌一曲却
能打鼓似關西

次韻杜主簿

平生有志欲歸休老向殊方尚轉流五畝桑今如卜宅千
章荻可比封侯幾經峽口江水夜往看峨眉山月秋終恐
官曹敗人意不如一笠釣滄洲

喜簡元輔兄二首

元有不病者君無嗟遽衰閉門謝餘子扶杖看清時野樹
著花早春江生浪遲相遇忍輕別小立為題詩

息女有所託衰懷寬老翁通家犹孔氏得壻似權公奕世
姻婭在平生憂患同追思九原友宰木亦悲風

白宋瑞

聖主思獻納諸公專討論吾生端有命此去勿多言徃泛
碧方頃歸乘朱兩轡江湖自可樂不必上龍門

次師環韻

迩來才力愈衰遲說向諸公笑脫頤來對老夫何所見歸
求文字有餘師相期要作後彫柏自獻當同前列龜莫學
一官今潦倒白頭深愧伐檀詩

與客飲池上

脫略簿書外按行池籩中筍長風解碧蓮淨雨歌紅佳客

常契闊良宵難會同中車幸過我取別莫匆

次劉機將仕韵

承平玉燭四時和處、惟聞擊壤歌富國不須搜粟尉勸
民應、當力田科使君身似社樗老故里賢如喬木多今日
九原誠可作吾將歸者有東坡

六月八日雷雨大作喜呈張仲季孟

雲霧相纏暝不開披衣衝雨獨登臺風號曠野吹江立雷
擘蒼山震地來從使郊原昏白晝刺教草木洗黃埃夜涼
如此真堪飲喜折圓荷作酒杯

送李敞送婦叙州乃予友悅夫之子也

初戲塗鴉壁今升奠雁堂真堪當寢醮已共乃翁長歲月
良易得詩書宜自強它時再相見兒女即成行

啗荔子戲作

已覺香皮猩染乾漸憂熟顆烏啣殘高攀上帝紅雲朶笑
撮仙人白玉卮

寄瀘南子止兄

杖鉞知何處看雲望欲迷真同阮南北各寄蜀東西峽嶮
水增急樓高山為低春來日欲行樂桃李想行蹊

呂子山楊廷仲廷試歸

布席三峩見升堂二妙來端湏置尊酒一為洗塵埃翔雪
吳江渡薰風漢殿門往還雖萬里親得到蓬萊

謝人惠生日詩二絕

本將豪句慰衰遲，開卷寧知起我悲。
獨對春風揮老淚，如聞人誦夢莪詩。

壽我新詩意甚勤，此難專享要平分。
願從薊子摩銅狄，可謝蘓公贈鐵君。

夏夜

樹陰高下逸周墻，靜夜聞，枕刻漏長。
斗轉未離天北極，參斜已近月西廂。

為邦

壤畫東西劍川分，上下江論才難塞。
職逐食強為邦曉起，雨南畝晚來風北窻。
幽懷得陶寫，賴有酒盈缸。

眉州燕游雜咏十首

碧瀾堂

清瀾深幾許，夏潦冬即空。定非蛟龍宅，徒為螺蚌宮。

葵亭

杲杲東出日，萬方被照臨。鸚鵡不踰濟，草木有常心。

臨風閣

舉扇謝風伯，排闥有清音。不可遺塵汗，但當開我襟。

晚賦園

雜樹略就列，清晨時涉園。遙幽付鼻詠，懷新勞目存。

披風榭

屏障尽通徹，蕭然塵土空。不畏趙盾日，知有楚王風。

起文堂

天地有萬籟中存韶濩音斯文未嘗廢但見古猶今

野航

方牀客常滿豈止兩三人誰可負之走長留採白蘋

芳菲亭

清陰夏可玩秀色春可飡桃李事且置四時各有觀

搖香亭

臨池可手攬可似湘水中冥々望北渚木末有芙蓉

遠景樓

山川未為遠在此軒楯中我覺千歲近民今三代同

送李紹祖通判寧江

此去夔州氣倍增白鹽赤甲兩峻嶒喜看司隸李校尉往

事高人王右丞若使主公登紫殿亦歸即省臥青綾老夫

只擬安田畝他日烝民頌中興

新刊嵩山居士文全集卷第十三

律詩四十四首

行役

胡為行役尚殊方，已覺春容近艷陽。
石齒漱江翻翠浪，漿牙穿渚出青芒。
艱難去國成淹泊，老大逢辰倍感傷。
幕府吾歸朋，共酒兒觥托及享公堂。

樊口

林鳥晴自語，水鶴暮知還。
故國浮雲外，寒溪積雪間。
東行臨赤岸，北望阻青關。
石上窪尊在，吾將酌次山。

上都

晚歲辭荒塞，青春赴上都。
望雲君日近，犯斗客星孤。
猷納

看多士哀遲失壯圖功名吾已懶歸擬著潛夫

溪上

野老門前雲覆溪雨晴雲氣亦霏微水生蘆筍纖、長日
暖楊花細、飛得食慈烏皆反哺卷簾乳鷺自知歸天涯
物堪行樂况復淮西近解圍

春晚

苔色侵階上晴光度隙來庭花隨鳥下池藻逐魚開舊國
悲銅雀新詩擬玉臺一春常道路歸即送春回
野樹交新葉春江上晚潮花泥粘落葉麥隴散疎苗輕籟
困風發游塵着風雨逍遙憐小山桂久負楚辭招

小築

小築何年隱巾車得再臨竹陰覆地薄樹影入池深雲日
清暉動山林暮景侵南枝棲未穩接翅有來禽

秋陰

出林雲未斷入坐雨初霽急點鳴高瓦寒聲瀉壞簷懸檣
閑玉塵散映亂牙籤誰道幽居勝吾今吏隱兼

蜀江

蜀江楚碛鬱巉巖雲霧中蕪草木參飛鶴翫空投霽野游
魚跳水亂澄潭朝廷共仰辰之北羈旅長留斗以南更欲
暇時求勝槩每從隣叟恣窮探

立春

我來佇立望晴空目極蒼茫萬壑中樹色昏、酣霽霧江

紋細、織柔風一行殊俗猶為吏三揖今年擬送窮聞道
東田耕帝籍慙無賦奏大明宮

江上春事

春來江上解霜嚴群柏周廬筍出簷突兀狸頭蒙紫簿參
羗龍甲長蒼髯閑思井臼高人宅懶傍車輿刺史瞻留滯
殊方憂鵬入今年試為發書占

春回

城郭初瞻北斗移春回冰壑已流澌石林背日垂寒旆江
藻舒風引細絲物色徐看催歲換形容先擬駐年華衰天
涯草木雖無賴亦復欣、及聖時

巴城

比從關塞歷巴城不復衣冠立漢庭越嵩江寒嗟獨往瞿
唐破險駭初經雙崖石立懸深翠萬嶺排空送遠青久抗
塵容駮俗駕往來吾亦愧山靈

清秋

清秋獨立望殊方粉堞遙瞻埤堥長水滿蒼江平巨硤風
交翠木亂寒塘滯留晚歲違公府準擬明年入帝鄉多病
早衰才不振豫慙無賦奏長楊

潯陽

渺、蒼江遶郭流菰蒲杜若滿汀洲山雲不動飛黃鶴春
水無邊沒白鷗日落荒城聞戍鼓天清絕浦見舟行老夫
舊有湘湖興聊復今年作遠游

郭外

脩林逸屋尚扶踈，紺葉交枝老不枯。
晴廡無風鳥自語，秋塲落日雉相呼。
一區未有子雲宅，半世空看摩詰圖。
終擬買田陽羨去，肯浮海滄遠乘桴。

趙主簿護貢篚至吳下有詩見示用詩為謝

軸艫千里薄樅陽，未數當年漢省方。
勿為催歸啼望帝，且看奉引駕乘黃。
四邊每報風塵靜，萬國同瞻日月光。
我願與民歌擊壤，求田當賣橐中裝。

觀雨

高閣前臨野外村，坐看急雨洒山根。
黑雲合沓奔崖暗，白水崩騰赴壑喧。
已快修渠通草徑，稍清瘴土淨柴門。
晚來

更報滄江漲，津北津南沒舊痕。

雨罷風大作

燕寢真宜雨，卧聞風有聲。
莫驚無礙睡，寧為不平鳴。
折筍低行蟻，飛梅暗打鶯。
最怜兩岐麥，歌倒亂縱橫。

江上

岸冷霜排草，川明月上梅。
清游誠可愛，深夜孰能來。
不作尋山去，難成訪剡回。
此生慙野老，過往只田萊。

白日

白日寒無色，黃流漲未平。
雲低催夕暝，江濁污秋清。
尚覺物多累，敢期詩有聲。
窮愁今至骨，書或似虞卿。

次韵程愿以十詩見示篇中多及故起居舍人程

子山老懶姑取其用韻答之

故鄉喬木莫知年聞道端居似玉川勿謂魯侯吾不遇試
言衛政子奚先傳家學問三冬足揮架文書四庫全頗復
因君懷柱史當時高會有群賢

費子範以予銘其父墓持錦物相餉盡歸之姑留
洮州綠石研一作詩謝之

大費家聲星斗垂乃翁名蹟世人知平生于此辭無愧不
減東京有道碑

又

訟牒裝懷塵滿胃少無筆力老猶慵洮州綠石堪為礪聊
與衰翁淬筆鋒

王才諒歸自臨安備道群從內集之樂感而有作
豈料高陽里于今復舊游風雨塵地隔江海一身留夢斷
烏衣夜魂傷白帝秋臨平江上柳早晚繫歸舟

病中

官冷經過少門寒心懶開雨餘苔及塌病起研生埃客淚
隨猿落家書想雁來似開溪上柳一報春回

立春有感

歲盡無人訪汲州東風應到未央樓荒垣草沒牛羊入廢
苑春生雉兔游萬里艱難炊劍首十年流落夢刀頭一官
何事不歸去空戴南冠泣楚囚

感事

征衣消尽洛陽塵。泣向東風拭淚痕。不及青春歸有信，一
年一到樂園游。

木樨觀

離宮荒草滿遺宮。羽化無人殿門空。白鶴亦應天上去，獨
餘枯樨起秋風。

曾樓

獨立層樓上。遙看衆壑中山頭。冠落日谷口。吸長風雲霧。
吳天接江湖。蜀旆通只今。洞庭岸白浪。漫青楓。

溪上尋梅

凍雨濕霏。不濕山水溪淺。欲生瀾。我來問訊。無消息。
笑倩東風與破寒。

病酒

遣愁自笑筆無功。醉覺花稍入眼紅。本擬消磨付杯酌。不
堪中酒過春風。

喜雨簡仲霍行之

久晴風暖紆溪城。陌上輕埃欲汗人。不惜春泥三日雨。且
消烏帽十分塵。霏微著柳空添色。浩蕩欺花便減春。擬作
郊居雌霓賦。故人今日有王筠。

薄書

楊梢飛雪滿城風。暖日催花爛熳紅。詩興消磨渾欲盡。一
春心事簿書中。

春晚

花輸落葉歸蜂室風納疎簾納燕泥見此令人思故里出
門搔首忘東西

二月

只知流落倦飄蓬豈識朝回合殿風二月春容山色裏五
更歸夢雨聲中

門外春寒數日風登樓聊恃醉顏紅水浮渺莽春畦外山
在冥茫暮雨中

去八月同張文饒考試始遂言集執經問道至今
不敢忘因成二詩

屬者俱被命敕書黃札光同將舜權量與較蜀文章投分
雖已晚傳經何可忘對床風雨地長記此升堂

通變莫如易韋編存至今如傳仲尼手盡見伏羲心此去
被清問豈惟蒙賞音要通天下志觀象渾惟深

二十七叔父書來說東都故居如昔

吳蜀相望萬里程經年書到說都城御溝猶泛宮花出春
草還依輦路生京洛衣冠皆去國東南父老心傷情鄭公
鄉里聞如故誰道胡兒解弛兵

讀江南諸公詩

吟盡江南草木春只今臺閣有詩人漢廷安用滄浪句容
我持竿詠白蘋

午睡

漸覺銅壺刻漏遲捲簾花日弄晴輝午窗睡美無人喚夢

逐游絲自在飛

南州

久矣吾人愧白鷗塵埃無路入南州
愁橫蜀嶺何年斷夢繞吳江
盡日流病骨本無軒冕相微官
端為稻梁謀與君共約東歸日
江揔還家要里頭

官舍

得閑誰更傍人門且喜深居少
送迎楊柳春風垂地影芭蕉
夜雨隔窗聲病寬束帶圍應減
愁攬枯腸睡苦輕明日公庭有
官事又須持板候鷄鳴

止酒

卧病經旬不舉觴胸中無復少年狂
春心已逐飛花尽午夢還隨白日長
塵事無窮那可了詩情常在不能忘
閉門覓句無餘事書策紛々正繞床

新刊嵩山居士文全集卷第十四

律詩三十五首

即事

故國邊聲靜鼓聲依然宮闕淚沾衣
端門曉日烏聲樂別殿春風燕影歸
目斷楚天嗟樹隔夢還梁苑逐雲飛
里中父老今誰在聞說比鄰半是非

寄子兼弟時聞有平都之游

春風殿閣百花香欲去題詩細作行
聞爾東游有佳句只應先我賦靈光

遣愁

白盡汀蘋老黃凋岸草秋西風正蕭瑟
何處不堪愁

巴江

巴江暮秋末霜降千林空山色不改碧蓼花無數紅木葉
感湘浦萼萸憶江東艱難志當壯吾未怨途窮

懷子兼弟時在寧江赴試

霸國山何在秋風草樹疎羈游今幾日旅食定何如夢想
池塘句愁消鴻雁書細思治安策勉力獻公車

又

江晚微收潦乘流久已歸沈郎正多病水帝有餘威鴻雁
幾時到鵲鷓相背飛題書問行李東望獨依

予己未十月二十有二日去涪上越明年八月二
十有八日以事再來觀山川之勝無異于昔而予

之幽憂壹鬱亦自若也

重來閑曳杖藜行白帽依前是管寧風雨只如當日恨江
山不改故時青天寒未夕牕先暝霜晚無聲葉自零詩罷
時為洛生詠醉吟聊使故人聽

送王和甄竇公瑞歸魚洞

壁掛凝塵塌苔生嘯月樓喜聞嘉客至能為故人留雨積
山川暝風傳鼓角秋沙邊晚相別留眼送歸舟

秋江

秋江水清不勝綠還與漢江顏色同望中白鳥忽飛去落
日丹楓相映紅

和郭安道 在試院作

水落灘聲急風來樹影移
懶窮千里目空誦四愁詩
白帽何妨隱黃梁未遣炊
要令鄉國夢暫向枕中遲

雨晴古

西風送殘雨吹盡簷際滴
稍江流清湛此千頃碧雲收
天倚蓋山靜月啣壁秋容
日夕佳真欲慰北客

別郭安道盧能甫

客路悲秋落木邊江流袞
尚連天病來懶着登山屐
歸去聊乘下瀨船回首閩河
嗟去國傷心風雨送殘年
相逢又作忽別擬續閩第二篇

偶題懷子兼弟

秋心丹楓畔愁心白雁邊
東來又相失更擬待明年

夢中作

舉鞭重到故都行予亦咨
恨嗟不勝心與隴雲留漢苑
日隨煙樹逸秦陵

尋梅花尚未有開者

問訊溪樹頭如何殊未春
亦應心老夫不逐世陳新

有感

不見果愚闕于今已十春
素衣不忍棄為有洛陽塵

雨中觀庭下梅二首

霏霏凍雨細無聲解洗梅花
上塵似與橫枝借顏色故
應添我一分春

春近梅梢着意紅留花不發
待東風籬邊一樹最佳處半

在冥濛煙雨中

詠銅餅中梅

折得寒香日暮歸，銅餅添水養橫枝。
書窗一夜月初滿，却似小溪清淺時。

合江舟中作

雲氣昏江樹，春流沒釣磯。
如何連夜漲，似欲送人歸。
亂石水聲急，片帆風力微。
舟師且停櫓，鷗鳥畏人飛。

三月晦日舟中

平生每欲惜芳菲，人事還多與願違。
臥病不常同客醉，作詩才送及春歸。

四月一日舟中

渺上無風浪自平，順流乘曉放舟行。
汀蘋不與春同老，池草能隨夢復生。
山色向人元不改，年華轉景未須驚。
故人相會無多日，有酒何妨為我傾。

師安撫生日

鼻祖貽謀遠，承家積慶長。
青箱元不墜，玉樹久逾芳。
氣驗三嶠秀，祥占五世昌。
向來蜀父老，久憶漢文章。
試問風騷將，誰登翰墨場。
浮雲玉壘變，秋草墨池荒。
大雅淪金石，斯文厭秕糠。
九成方命舜，三變必興唐。
東壁初觀象，南箕果降光。
終當薦清廟，始驗出峴岡。
世喜韶音在，人皆肉味忘。
遙聞望帝國，重立鄭公鄉。
議論看前輩，春秋守素王。
談經連伏社，下筆逼班揚。
價重連城璧，功高治水航。
詞源傾灑瀨。

才刃劇干將思涌碎穿月文成字挾霜高明齊日觀豪健
敵風檣不但垂金薤方期兆玉璜徑宜排稷下不用奏阿
房退草三千牘深窺數仞墻多聞正科斗博識辯商羊鄉
黨尊王烈交游說鄭莊絃歌化鄒魯文物見成康壯歲觀
周樂昭時笑楚狂風塵天下轍日月魏中梁星列橋門外
霜寒壁水傍應書隨漢傳鼓篋上虞庠大策先多士高談
兀老蒼諸儒甘折角宗伯許升堂擢秀聯龍虎凌霄翳鳳
凰西轡聊偃息北海暫徊翔絳帳師儒室青衿弟子行至
音消鄭衛俗學起膏肓德業方天縱才名故日彰築宮宜
夢說負鼎可干湯憲古興華旦蒐儒列奉常魯宮傳禮樂
趙鐸聽宮商今納諸侯醑郊崇上帝觴朝儀修草具廟樂
紀芝房方刺斗中制將分岱岳祔守邦嚴典禮範俗正隄
防恩賜尚書尋班齊騎省郎明光聯執戟建禮入含香鳴
王趨文陛垂紳拱御床天臨豸冠動風凜歎樽涼禁省吟
紅藥朝廷少皂囊憂時惟賈傅疾惡甚張綱伏閤曾留諫
埋輪詎畏強忠言深慷慨直氣歛飛揚屢乞開宣室尚思
請尚方馬皆貪立伏鳳獨見朝陽直道難容黯群臣惜渡
湘虛心忘寵辱知命信行藏傲道森長樂周廬肅未央贅
衣重入侍交戟儼開張地有長城固時無寶瑟僵鳴鑿思
禹穴飛旆入雷塘仗狩崆峒遠旌垂少海黃方資清宿衛
乃遽釋軒裳負郭俄回駕專城再耀鉉化移江北枳訟決
召南棠已去浮江虎潛驅避地蝗使車更刺輦夷路看騰

驟未即歸前席，還聞出護羗。不通五尺道，坐富十年糧。念昔東南帝，多興楚越疆。聚星占晉國，厭氣走秦皇。往者何勞繼，今王未易量。布書垂象魏，仄側席在巖廊。大業雖中債，神謀正外攘。會須擒頡利，方擬殄燒當。宇宙依秦樹，山河接汶篁。再令宮禁肅，必賴肱股良。豈久留乘塞，行看入奉璋。無安都護府，亟趣舍人裝。有客彈長鈇，終年竊太倉。乘龍安敢望，飛鳳果為祥。貪祿難投饋，登堂阻奉觴。遙祈千歲壽，坐見海生桑。

范令人生日

文正垂芳久，風流八葉蕭。名傳慶曆頌，功冠寶元朝。人物追三代，儀形正百僚。後來登玉筍，故自有霜條。配德皆乘鳳，生賢必珥貂。賦高梁苑雪，聲振浙江潮。已慶生金社，俄聞夢紫霄。鸞車度弱水，絳節下陽寥。潤溫珠無類，清修玉不雕。成家自襦結，高節陋琴挑。靈匹期河漢，仙槎近斗杓。擇夫得溫嶠，傳業繼班昭。比物能吟絮，逢辰解頌椒。早遵王吉儉，久去少君驕。絳帳詩書在，朱絃律呂調。行皆圖史應，步節珮環搖。林下風姿遠，閨中禮法饒。翟衣嚴象服，彤史嗣英飈。夙御魚軒駕，和鳴鳳管簫。清標矜竹潤，盛德頌桃夭。八桂知同秀，三芝等後凋。他年看洗髓，終不羨雲翹。

偶成

鸞鑑無塵月影圓，不須朱粉污紅顏。侍傳京兆眉無樣，刺寫春容入遠山。

臉上桃花春自開，眉邊柳色日全回。
遙知弄粉粧成晚，應待溫郎玉鏡臺。
樓上東風簾幕垂，纖纖春筍弄粧遲。
玉籠鸚鵡知人意，催報花梢日影移。

小閣夜籠香日上，珠簾逗曉光。
為喚羅帷春睡起，翠添水試新粧。

九日

霜林木葉未全紅，疎雨蕭蕭不滿空。
萬里黃花欺病眼，十年烏帽怯秋風。
可憐望遠身能健，愈覺追歡歲不同。
便欲題詩為問鄉，回不堪回首失飛鴻。

答鮮二晉伯再用游卧龍山詩韻見贈之什

東復見談經，鄭小同卧病向來嗟。
髀減誦詩多謝愈，頭風休隨賓客游梁苑。
合有文章動漢宮，如我空歎已何月。
一生丘壑坐奇窮。

喜王去夫來

懶觀南土化歸功，北山銘蠟屐乃相遇。
巾車何不停復回，千里駕去食五侯。
鯖想見知君到，傳呼閣下鈴。

恭州教授宋師民有詩次韻

但聞兩廡讀書聲，學館無塵地更清。
歲久緇林皆木拱，春來泮水有芹生。
剩令龍席登高第，再賦鳧鷖美太平。
我循行才不稱，愧君刻畫與虛名。

聞伯初兄

兩京

